

ՀԱՐՑՈՒՄ ՊԱՏԱՍԽԱՆ Ս. ՄԿՐՏՈՒԹԵԱՆ ԵՒ ԴՐՈՇՄԻ ՄԱՍԻՆ

10) Ի՞նչ է ընդհանրական մկրտութիւնը:

Երբ խումբերով եւ մեծ թիւով մարդիկ կը մկրտուին մկրտութեան մէկ արարողութեան ժամանակ: Օրին, Ս. Գրիգոր Լուսաւորիչի կողմէ արքայական ընտանիքի եւ ժողովուրդի մկրտութիւնը: Ընդհանրական Ս. մկրտութիւններ տեղի ունեցան նաեւ խորհրդային կարգերու փլուզումէն ետք, երբ բազում մարդիկ, հայորդիներ հոգեւոր վերազարթօնք կ'ապրէին, մկրտուեցան եւ քրիստոնեայ դարձան: Նմանատիպ մկրտութիւններէն է հայոց մեծ դարձի 1700-ամեակի նախասեմին 1999 թուականին Ծավ գետի (Հայաստան) մէջ կատարուածը, երբ հազարէ աւելի երեխաներ եւ չափահասներ մկրտուեցան:

Այսօր Հայաստանի մէջ երբեմն ընդհանրական մկրտութիւններ կը կատարուին բանակին մէջ:

11) Որո՞նք են Ս. մկրտութեան նախատիպերը հիւսկարաւսին մէջ:

Ինչպէս ընդհանրական, այնպէս ալ մեր եկեղեցւոյ հայրերը, հին կտակարանի որոշ դրուագներու մէջ տեսած եւ բացայայտած են Ս. մկրտութեան թաքնուած խորհուրդը: Անոնցմէ են՝
* Արարչագործութեան ժամանակ ջուրերու վրայ Ս. Հոգիին չրջիւլ (Ծննդ. 1/2)- խորհրդապատկերն է Ս. մկրտութեան:

ԱՂԱՆԴԱՒՈՐԱԿԱՆ ՇԱՐԺՈՒՄՆԵՐ

ԲԱՍԵԼԱԿԱՆՈՒԹԵԱՆ ՀԱՄԱՌՕՏ ՊԱՏՄԱԿԱՆԸ 6- ԿԻՆԸ ԵՒ ԱՍՏՈՒԱԾԱՄԱՅՐԸ

Աստուծոյ Որդին ամօք ու նուաստութիւն չհամարեց «կնոջմէ մը» ծնիլ (Գաղ. 4.4) եւ մարդոց հաւասարութիւնը յայտարարեց, իսկ Քրիստոսի առաջնալը՝ Պօղոս կ'ըսէ, թէ Քրիստոսի միացած անձեքուն մէջ «Ալ ո՛չ հրեայ կայ, ոչ ալ յոյն, ո՛չ արու կայ եւ ոչ ալ էգ, որովհետեւ դուք ամէնքդ ալ Մէկ էք Քրիստոս Յիսուսով» (Գաղ. 3-28): Իսկ ինչ, որ Աստուած հաւասար կը յայտարարէ մարդիկ չեն կրնար ստորադաս դարձնել:

Գալով «Աստուածամայր» կոչումին միշտ է, որ Աստուածաշունչին մէջ չկայ այդ անուանումը, բայց այն անձը, որ մշմարտապէս կը ֆանչնայ Աստուծոյ Որդին՝ Յիսուս Քրիստոսը, իբրեւ կատարեալ եւ յաւետ օրհնեալ Աստուած՝ անոր համար «ԱՍՏՈՒԱԾԱՄԱՅՐ» կոչումը ամենապատշաճ եւ ամենէն արժանի կոչումն է տրուած այն օրհնեալ կնոջ՝ Մարիամին, որ ծնունդ տուաւ մեր Փրկիչ Աստուծոյն:

Միրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՉԱՍՅԷ.



ՔՈՒ ԽՕՍԲԴ ԽՄ ՈՏԹԵՐՈՒՄ ԾՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ ԿԻՐԱԿԻ, 10 ՅՈՒՆԻՍ 2018 ԹԻՒ 23

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՑՈՒՄՆԵՐ ԵՍ 1.2-15: ԴՈ 6.12-23: ՅԻՍՈՒՍ ԲՐԻՍՏՈՍԻ ԱՒԵՏԱՐԱՆԸ ԸՍՏ ՄԱՏԹԷՈՍԻ 12.1-8


Շաբաթ օր մը Յիսուս արտերուն մէջէն կ'անցնէր: Աշակերտները անօթեցած ըլլալով սկսան հասկ փրցնել եւ ուտել: Երբ փարիսեցիները ասիկա տեսան, ըսին Յիսուսի. «Տե՛ս, աշակերտներդ ի՛նչ կ'ընեն. բան մը՝ որ արգիլուած է Շաբաթ օրով ընել»:

Յիսուս պատասխանեց. «Չէ՞ք կարդացած թէ ի՛նչ ըրաւ Դաւիթ, երբ ինք եւ իր հետ եղողները անօթեցան: Աստուծոյ տունը չմտա՞ւ եւ Առաջաւորութեան հացը չկերա՞ւ, որ օրէնքին համաձայն միայն քահանաներուն արտօնուած էր եւ ո՛չ թէ իրեն կամ իր հետ եղողներուն: Կամ չէ՞ք կարդացած Մովսէսի Օրէնքին մէջ, թէ Շաբաթ օրեր քահանաները տաճարին մէջ կը սրբապղծեն Շաբաթը եւ սակայն ատիկա մեղք չի համարուիր իրենց: Ահա կ'ըսեն ձեզի, որ տաճարէն աւելի մեծ մէկը կայ հոս: Եթէ իրապէս հասկնայիք, թէ ի՛նչ կը նշանակէ մարգարէին խօսքը. «Ողորմութիւն կ'ուզեմ եւ ոչ թէ զոհ», այն ատեն չէիք դատապարտեր անմեղները, որովհետեւ մարդու Որդին Տէրն է Շաբաթին»:

Աստուծոյ փառքին համար ծառայողը միշտ պէտք է ծառայէ առանց ժամանակ սահմանելու կամ օր նշանակելու: Բարիք ընելը այս աշխարհին վրայ արգիլուած եւ արտօնուած օրեր չունի, այլ՝ երբ անհրաժեշտ է, որ մենք ուրիշին օգտակար դառնանք, նոյնիսկ այդ օրը արձակուրդի կամ հանգիստի օր ըլլայ, պէտք է օգնենք: Բոլորս կոչուած ենք ծառայելու: Ծառայե՛նք, բարիք գործե՛նք, կամ չփառորին օգտակար դառնա՛նք, որպէսզի Աստուծոյ կողմէ մեզի տրուած պարգեւը լիովին կատարենք: Մեր կեանքը միշտ ապրի՛նք Աստուծոյ համար:

ՍՈՒՐԲԵՐ ԵՒ ՏՕՆԵՐ

ՀԱՅՈՑ ՍՐՏԻ ԼՈՒՍԱԽՈՐԻՉ ՄԵԾՆ ՆԵՐՍԷՍ ՀԱՅՐԱՊԵՏ



Ներսես Հայրապետ կաթողիկոս ձեռնադրուեցաւ 353 թուականին, Արշակ Բ. թագաւորի օրով: Ան թագաւորին փարտուղարն էր, սակայն Փառէն Աշտիշատեցի կաթողիկոսի մահէն ետք թափուր մնացած հայրապետական աթոռին համար արժանաւոր մէկը պէտք էր ընտրել: Այս արժանաւոր անձը հանդիսացաւ Յուսիկ Հայրապետի թորձ՝ Ներսես:

Պատմութիւնը Ներսես Հայրապետին ընծայած է ՄԵԾ Տիտղոսը իր կատարած մեծ գործերուն եւ բարեկարգութիւններուն համար: Հիմնական նպատակն էր հայ ժողովուրդի սրտին մէջ փրկատունեակն ազնիւ գգացումները ներմուծել եւ արմատացնել: Այսպէս օրինակ կը փառաբանէր իր ժողովուրդը, որ հեթանոսական սովորութեամբ մահուան առջեւ չողբան, այլ՝ յարութեան յոյսը ի մտի ունենալով երկինքի արքայութեան հաւատան: Անդադար կը փառաբանէր, որ մարդիկ բարեգործութեան ետեւէն ըլլան եւ օրինակը ինքն իսկ տալով, իր տան մէջ կը հոգար որբերն ու չճաւորները:

Մեծն Ներսես կաթողիկոս իր պաշտօնին գլխուն անցնելով մեծ բարեկարգութիւններու ձեռնարկեց:

Անհամար վանքերու, դպրոցներու, որբանոցներու հիմնադրութիւնը իր աշխատանքին մէկ բաժինն էր:

Ան կազմակերպեց հայ եկեղեցական դասը, ֆահանաներ, եպիսկոպոսներ եւ ֆարգիչներ ամէն կողմ դրկելով: Կանոնաւորեց եկեղեցիներու արարողութիւնները եւ որոշ օրեր ու ժամեր նշանակեց անոնց գործադրութեան համար:

Ահա իր այս բարեսիրական գործերուն շնորհիւ է, որ ան դարձաւ Հայոց սրտի լուսաւորիչ:

Հայ եկեղեցւոյ տօնացոյցին համաձայն, Ներսես Հայրապետին տօնը կը զուգահիշուի Շաբաթ՝ 9 Յունիս, 2018-ին:

ԻՆՉ ԸՍԵԼ Է ԱՌԱՋԻՆ ՄԵՂՔ

Կը սորվինք Սուրբ Գիորքէն, թէ Ադամ չպահեց աստուածային պատուէրը իր դրախտային կեանքին մէջ: Այս պատուիրանագանցութիւնը կամ անհնազանդութիւնը ըստ աստուածաբաններու կը կոչուի առաջին (սկզբնական) մեղք, որ Ադամէն ժառանգաբար անցած է սերունդէ սերունդ բոլոր մարդոց:

Գրիգոր Տաթեւացին այսպէս կը սահմանէ այդ մեղքը. «Ադամին մեղքը այն է, որ կորսնցուց արդարութիւնը եւ մեղքով ու ցանկութեամբ ծնաւ իր որդին, այն է սկզբնական մեղք ըսուածը, որ չի քաւուիր, եթէ չմկրտուի Քրիստոսի մահով»:

ՄԵՐ ՀԱՅՐԵՐՈՒՆ ԽՐԱՏՆԵՐԸ

ՓՈՐՁՈՒԹԵԱՆ ՄԵՋ Ե՞Ս

Յիսուս Սուրբ Հոգիով լեցուած՝ վերադարձաւ Յորդանանէն: Ապա Սուրբ Հոգիին կողմէ առաջնորդուած՝ գնաց անապատ, ուր ֆառասուն օր փորձուեցաւ Սատանայէն: Այդ օրերուն ո՛չ կերաւ եւ ո՛չ ալ խմեց: Երբ ֆառասուն օրերը ամբողջացան, Յիսուս անօթեցաւ:

Սատանան ըսաւ իրեն.

- Եթէ Աստուծոյ Որդին ես, հրամայէ՛ որ այս քարը հաց դառնայ:

Յիսուս պատասխանեց.

- Օրէնքի գիրքին մէջ գրուած է. «Մարդ միայն հացով չ'ապրիր, այլ՝ Աստուծոյ բոլոր խօսքերով»:

Ապա Սատանան հանեց զինք քարձր լեռ մը եւ ակնթարթի մը մէջ իրեն ցոյց տուաւ աշխարհի բոլոր թագաւորութիւնները եւ ըսաւ.

- Այս բոլորին վրայ իշխանութիւն եւ անոնց փառքը քեզի կու տամ: Անոնք ինձի տրուած են եւ որո՞ւ որ ուզեմ՝ կու տամ: Արդ, եթէ ինձի երկրպագութիւն ընես՝ այդ բոլորը քեզի պիտի ըլլան:

Յիսուս ըսաւ.

- Օրէնքի գիրքին մէջ գրուած է. «Քու Տէր Աստուծոյդ պէտք է երկրպագես եւ զայն միայն պաշտես»:

Յետոյ Սատանան զայն երուսաղէմ տարաւ եւ կանգնեցուց տանարի աշտարակներէն մէկուն վրայ եւ ըսաւ անոր.

- Եթէ Աստուծոյ Որդին ես, դուն քեզ այստեղէն վար նետէ: Քանի Սաղմոսներուն մէջ գրուած է, թէ «Աստուած իր հրեշտակներուն պիտի պատուիրէ որ քեզ պահպանեն» եւ, թէ «հրեշտակները քեզ իրենց ձեռքերուն վրայ պիտի վերցնեն, այնպէս որ ոտքդ փարի չգարնուի»:

Յիսուս պատասխանեց.

- Օրէնքի գիրքին մէջ գրուած է. «Քու Տէր Աստուծոյ չփորձես»:

Սատանան ամէն տեսակի փորձութիւն վերջացնելէ ետք՝ ժամանակուան մը համար հեռացաւ Յիսուսէն:

ՀՈԳԵՒՈՐ ԽՈՐՀՐԴԱՏՈՒ

ԲԱՐԻՔ ԸՆԵՆՔ ՄԵՉ ԱՏՈՂՆԵՐՈՒՆ

«Բարիք ըրէք ձեզ ատողներուն...» (Մտք. 5.44): Երբ մեզի հանդէպ դառնութեամբ եւ ստելութեամբ լեցուած մարդոց բարիք կ'ընենք, մեր բարիքը անոնց դիմաց կ'ըլլայ նամբայ մը գիրքնէն Աստուծոյ առաջնորդող եւ գԱստուած իրենց բերող: Մեզ ատողին բարիք ընելը դիւրին բան չէ: Կրնա՞նք փաթթել վերքը մէկու մը, որ կը սիրէ մեզ վիրաւորել: Կրնա՞նք ողորմութիւն տալ կամ կերակրել մէկու մը, որ մեզ նախապէս կողոպտած է: Ճշմարտապէս փրկատունեայ եղող մարդը միայն կրնայ նման բան ընել: Բարեգործութիւնը ատող մարդիկը կը վերածէ սիրող մարդոց: Սրտէ քիսած բարեգործութեան դիմաց հրէշն անգամ հրեշտակ կ'ըլլայ:

ՄԻԱՍՆԱԲԱՐ ԱՂՕԹԵՆՔ

Շնորհքներդ սփռէ՛ անդամներուս վրայ, Տէ՛ր, լէցո՛ւր մարմնս արիւթեամբ ու ժուժկալութեամբ եւ հոգիս՝ երկիւղով ու դողով, սիրտս՝ սիրով ու արդարութեամբ, միտքս՝ Քու լոյսով ու իմաստութեամբդ եւ խորհուրդներս՝ Քու գիտութեանդ հանճարով. [զօրացո՛ւր] ոտքերս՝ որ արդարութեան շաւիղով երթան, ձեռքերս՝ բարին գործեն, բերանս՝ գոհութեամբ եւ օրհնութեամբ անդադար Քեզ սաղմոսէ, աչքերս՝ յորդաբուխ արտասուէն, հոտոտելիքս՝ կեանքի գիտութեան բոյրը զգայ, եւ ականջներս՝ լսեն աւետեաց ձայնը, որ կ'ըսէ. «Թողուա՛ծ ըլլան քեզի բոլոր մեղքերդ»:

Ե. ԱՍՈՐԻ